



**REGIONALNI CENTAR BANJA LUKA  
ODSJEK ZA PRUŽANJE USLUGA**

**Grupa za prinudnu naplatu**

Broj: O2/6-1-1-16-16-22- 13414 109

Banja Luka, 16.10.2009. godine

Na osnovu člana 66. Zakona o porezu na dodanu vrijednost ("Službeni glasnik BiH", broj 9/05, 35/05 i 100/08) i člana 127. Pravilnika o primjeni Zakona o porezu na dodanu vrijednost ("Službeni glasnik BiH", broj 93/05, 21/06, 60/06, 6/07, 100/07 i 35/08) kao i člana 8. Instrukcije o postupku uvođenja posebne šeme dužnika ("Službeni glasnik BiH", broj 35/08), šef Grupe za prinudnu naplatu donosi slijedeće

**RJEŠENJE**

1. UVODI SE POSEBNA ŠEMA DUŽNIKA AGROKOMERC d.d. adresa/sjedište firme: Trg Ahmeta Mržnjaka 1, Velika Kladaša, odgovorno lice ŠARIĆ EKREM, ID broj 4263179080007, PDV broj 263179080007, za dug po osnovu poreza na dodanu vrijednost u iznosu od **966.720,09 KM**.
2. Poreski obveznik je dužan da u svoje fakture za isporuke licima koja su registrovana za PDV unosi slijedeću klauzulu: "Iznos PDV-a naveden u ovoj fakturi se plaća Upravi sa pozivom na PDV-ID broj 263179080007",
3. Lice registrovano za PDV koje kupuje dobra i usluge od isporučioaca AGROKOMERC d.d. Trg Ahmeta Mržnjaka 1, Velika Kladaša, plaća iznos PDV-a direktno Upravi.
4. Iznosi PDV-a zadržani tokom poreskog perioda, plaćaju se do 5. u mjesecu za predhodni poreski period.  
U istom roku poreski obveznik kupac je dužan dostaviti Upravi za indirektno oporezivanje listu sa podacima za predhodni poreski period za poreskog obveznika dužnika prema kojem je rješenjem uvedena posebna šema, lista treba da sadži slijedeće:
  - Iznos zadržanog PDV-a
  - Identifikacioni broj isporučioaca dobra ili usluga
  - Identifikacioni broj primaoca dobra ili usluga koji je zadžao iznos PDV-a.
5. Posebna šema se primjenjuje od 20.10.2009. godine
6. Dužnik nad kojim se uvodi posebna šema AGROKOMERC d.d. ID broj 4263179080007, PDV broj 263179080007 Trg Ahmeta Mržnjaka 1, Velika Kladaša, obavezan je da rješenje kojim se utvrđuje obaveza plaćanja po posebnoj šemi istakne u poslovnim prostorijama na vidno mjesto zajedno sa uvjerenjem o registraciji za PDV.
7. Žalba ne odlaže izvršenje rješenja.
8. Ovo rješenje će biti objavljeno u "Službenom glasniku BiH" i dnevnim novinama.

## OBRAZLOŽENJE

Na osnovu podatka iz programa "ALICE" kojima raspolaže Grupa za prinudnu naplatu R.C. Banja Luka, dužnik AGROKOMERC d.d. Trg Ahmeta Mržnjaka 1, Velika Kladuša, ima neizmirenog duga nastalog po osnovu PDV-a za poreski period 0608 do 0906 u iznosu od **966.720,09 KM**. Uvidom u evidenciju o zaduženju duga po osnovu PDV-a, u programu "ALICE" utvrđeno je da je dužnik AGROKOMERC d.d. iz Velike Kladuše, u navedenom periodu uredno podnosio prijave samooporezivanja ali nije vršio uplate po istim, niti je vršio uplate PDV duga utvrđenim od strane kontrole.

Protiv dužnika AGROKOMERC d.d. Trg Ahmeta Mržnjaka 1, Velika Kladuša, Grupa za prinudnu naplatu R.C. Banja Luka, pokrenula je postupak prinudne naplate duga izdavanjem obavijesti o nalogu za prinudnu naplatu i zahtjev za uplatu u prinudnoj naplati kako je označeno u tabelarnom pregledu.

Dužnik u roku od 10 dana od dostavljenih naloga za prinudnu naplatu nije izvršio ni jednu uplatu duga, pa su izdati nalozi za pljenidbu u skladu sa članom 45. Pravilnika o provođenju Zakona o postupku prinudne naplate indirektnih poreza, ("Službeni glasnik BiH broj:21/06").

Kako je potraživani dug ostao neplaćen, službenici Grupe za prinudnu naplatu radi naplate potraživanog duga, nastavili su postupak prinudne naplate zapljenom imovine po redoslijedu propisanom u članu 13. Zakona o postupku prinudne naplate indirektnih poreza, (Službeni glasnik BiH broj:89/05).

Izdane su pismene izjave o pljenidbi novca sa bankovnih računa, ali svi računi su blokirani ili ugašeni. Slijedeći korak je bila naplata preko dužnikovih dužnika ali takođe nije ništa naplaćeno iz razloga što su se dužnici izjasnili da nemaju dugovanja prema Agrokomercu. Nakon toga, izvršena je pljenidba nepokretne imovine i stavljena predbilježba na sveobuhvatnu nepokretnu imovinu dužnika na iznos od 696.907,16 KM rješenjima Općinskog suda u Velikoj Kladuši – zemljišno knjižni ured, broj:023-0-DN-07-000-520 od 02.08.2007., 023-0-DN-08-000182 od 20.02.2008., 023-0-DN-08-001126 od 17.11.2008 godine, i u toku je registracija predbilježbe kod Općinskog suda, Zemljišno – knjižni ured u Velikoj Kladuši, po Zahtjevu broj:0276-1/I-16-16-22-10521/09 od 31.07.2009. godine, na iznos duga u iznosu od 216.693,43 KM, tako da je ukupan dug po osnovu PDV-a koji je obezbjeđen predbilježbama (nepokretnom imovinom) iznosi 913.600,59 KM. Kantonalno Ministarstvo unutrašnjih poslova, Odsjek za administraciju Velika Kladuša, aktom broj:05-2/01-6-04-917/07 od 28.06.2007. godine, na zahtjev ovog organa dostavilo je podatke o vlasništvu registrovanih motornih vozila dužnika, uz napomenu da je za predmetna vozila od strane Poreske uprave Bihać, stavljena zaštitna mjera zabrane otuđenja.

Ova odluka temelji se na Instrukciji o postupku uvođenja posebne šeme dužnika ("Službeni glasnik BiH", broj 35/08).

Dug u iznosu 966.720,09 KM struktura i period iz kojeg potiče.

Red. Br.	Period duga	Broj naloga za prinudnu naplatu	VRSTA DUGA			Ukupan iznos duga
			Glavni dug	Naknadni teret prinude	Kamata	
1	0608	02/5-16-33-7219/07, 4529/06	34.294,09		29.860,00	64.154,09
2	0609	02/5-16-836-5581/06, 7220/07	22.106,00			22.106,00
3	0610	02/5-16-836-6426/06, 7221/07	50.892,00			50.892,00
4	0611	02/5-16-836-6707/06, 7222/07	38.056,00			38.056,00
5	0612	02/5-16-33-676/07	63.666,00			63.666,00
6	0701	02/5-16-33-1820/07, 7223/07	46.132,00			46.132,00
7	0702	02/5-16-33-7224/07, 2218/07	9.626,00			9.626,00
8	0704	02/5-16-33-7225/07, 5027/07	9.466,00			9.466,00
9	0705	02/5-16-33-5705/07, 7226/07	7.149,00			7.149,00
10	0707	02/6-1/I-16-16-22-9330/09	3.305,00	330,50		3.635,50
11	0709	02/6-1/I-16-16-22-9331/09	30.480,00	3.048,00		33.528,00
12	0710	02/5-16-33-10537/07	46.427,00			46.427,00
13	0711	02/6-1/I-16-16-22-9333/09	18.065,00	1.806,50		19.871,50
14	0712	02/6-1/I-16-16-22-9332/09	35.422,00	3.542,20		38.964,20
15	0801	02/5-1/I-16-50-1390/08	45.578,00			45.578,00
16	0802	02/5-1/I-16-50-2675/08	38.789,00			38.789,00
17	0803	02/5-1/I-16-50-3771/08	39.116,00			39.116,00
18	0804	02/5-1/I-16-50-4596/08	33.838,00			33.838,00
19	0805	02/5-1/I-16-50-5805/08	9.870,00			9.870,00
20	0806	02/5-1/I-16-50-6817/08	36.607,00			36.607,00
21	0807	02/5-1/I-16-50-7591/08	21.250,00			21.250,00
22	0808	02/5-1/I-16-50-8942/08	36.568,00			36.568,00
23	0809	02/5-1/I-16-50-12050/08	17.910,00			17.910,00
24	0810	02/5-1/I-16-50-11403/08	41.635,00			41.635,00
25	0812	02/6-1/I-16-16-22-651/09	52.190,00			52.190,00
26	0901	02/6-1/I-16-16-22-2416/09	2.787,00			2.787,00
27	0902	02/6-1/I-16-16-22-3877/09	43.149,00			43.149,00
28	0903	02/6-1/I-16-16-22-5630/09	27.812,00			27.812,00
29	0904	02/6-1/I-16-16-22-7491/09	30.310,00			30.310,00
30	0905	02/6-1/I-16-16-22-9334/09	32.398,00	3.239,80		35.637,80
<b>UKUPAN DUG</b>			<b>924.893,09</b>	<b>11.967,00</b>	<b>29.860,00</b>	<b>966.720,09</b>

Članom 66.stav 3 Zakona o porezu na dodatu vrijednost, propisana je mogućnost da UINO naloži za određene registrovane poreske obveznike koji su u dugu – dužnike da se PDV na isporuke registrovanim obveznicima PDV-a plati od strane primaoca isporuke.

Ovakav način plaćanja podrazumjeva uvođenje posebne šeme dužnika koja se primjenjuje u ovom slučaju na obveznika AGROKOMERC d.d. Trg Ahmeta Mržnjaka 1, Velika Kladuša, iz razloga što je u pitanju značajan iznos poreskih prihoda, te bi se uvođenjem posebne šeme izbjeglo dodatno akumuliranje duga, kao i efikasnija naplata već dospjelog duga.

Na osnovu utvđenih činjenica, osnovom člana 6. stav 1. Instrukcije o postupku uvođenja posebne šeme dužnika, i člana 8 stav 1. Instrukcije, Grupa za prinudnu naplatu R.C. Banja Luka je dana, 04.09.2009. godine, dostavila dužniku AGROKOMERC d.d. **pismo namjere**, protokolirano pod brojem: 02/6-1/I-16-16-22-11992/09 u kojem ga obavještava o iznosu duga i namjeri uvođenja posebne šeme u roku od 30 dana ako dužnik ne izmiri dug ili ne obezbjedi adekvatnu garanciju za plaćanje duga, kako je propisano odredbama člana 128. stav 1 i 2. Pravilnika o primjeni Zakona o porezu na dodatu vrijednost. U pismu namjere dužniku je ukazano na obaveze koje mu se stavljaju na teret uvođenjem u postupak posebne šeme, shodno odredbama člana 128. stav 3. Pravilnika o primjeni Zakona o porezu na dodatu vrijednost. Kako obveznik u ostavljenom roku se nije oglasio bilo uplatom ili obavještenjem o mogućnosti obezbjeđenja adekvatne garancije, a dug je samo uvećan u proteklih 30 dana odlučeno je da se na ovog obveznika primjeni posebna šema radi obezbjeđenja naplate.

Prilikom donošenja odluke o uvođenju posebne šeme dužnika Grupa za prinudnu naplatu rukovodila se slijedećim razlozima: iznos duga, rizik po javne prihode, kao i procjenom smanjene vjerovatnoće za naplatu poreza na dodanu vrijednost bez uvođenja posebne šeme, istorijat ponašanja poreskog obveznika, opterećenjem nekretnina od strane velikog broja povjerilaca, kao i opštim ekonomskim stanjem poreznog obveznika u budućnosti.

Shodno odredbama člana 128. stav 4. Pravilnika o primjeni Zakona o porezu na dodatu vrijednost, ovo rješenje će biti objavljeno u "Službenom glasniku BiH" i tri najčitanije dnevne novine, a isto ste dužni istaći u poslovnim prostorijama na vidno mjesto zajedno sa uvjerenjem o registraciji za PDV.

Žalba ne odlaže izvršenje rješenja shodno odredbi člana 137. stav 1. Zakona o postupku indirektnog oporezivanja ("Službeni glasnik Bosne i Hercegovine", broj 89/05),

#### **Pouka o pravnom lijeku:**

Protiv ovog Rješenja može se uložiti žalba prvostepenom organu u roku od 15 dana od dana prijema rješenja, neposredno ili poštom, taksirana sa 10 KM administrativne takse u skladu sa tarifom Zakona o administrativnim taksama BiH ("Službeni glasnik BiH", broj 16/02, 19/02, 43/04, 8/06 i 24/06).

#### **Dostaviti:**

- Agrokomerc dd, Trg Ahmeta Mržnjaka 1, V.Kladuša
- R.C. B.Luka, Odsjek za poreze, Grupa za kontrolu velikih PDV obveznika
- R.C. B.Luka, Odsjek za poreze, Grupa za obradu poreskih prijava
- Sektor za poslovne usluge 2 seta
- Odsjek za prinudnu naplatu
- Odsjek za pružanje usluga RC.B.Luka
- a/a



**Šef Grupe za prinudnu naplatu**

**Nedim Kulenović dipl.ecc**